



КЎПНИНГ ҲАҚҚИ КЎР ҚИЛСИН!

Мен «Шаҳар бедарвоза эмас» телекўрсатувининг навбатдаги сонини ҳам томоша қилдим. Ўзбекистон ички ишлар вазири ўринбосари Ураимжон Абдуғаниев раҳбарлигидаги назоратчиларнинг зийраклигидан, ўз вазифаларига масъулият билан ёндошишларидан қувондим. Мен бу эл мулки посбонларига ўз самимий миннатдорчилигимни ғойибона йўллаяпман. Ахир, улар олиб бораётган назорат кони савоб-ку?! На худодан, на қонундан қўрқмайдиган, ўз халқининг ҳаққини чекка юртларга ошираётган нафсига ўт тушгун имонсизлар билан курашишнинг ўзи бўлади, дейсизми? Мен шу сатрларни ёзаётганда ўша телекўрсатувда кўрганларим беихтиёр кўз олдимида бир-бир жонланапти...

Қирғизистон ёқларга олиб кетилаётган, Наманган ёрлиғи босилган 286 минг сўмлик атлас, 1 миллион 260 минг сўмлик 2000 дона аёллар жемпери, Грецияга жўнатилаётган ёғочлар...

Энг даҳшатлиси шундаки, бу талон-тарожларнинг ҳаммасини ўзимизнинг юртдошлар, миллатдошлар амалга оширишмоқда! «Ўзингдан чиққан балога қайга борурсан давога», — деган нақл нақадар ҳақиқат. «Мана озодликка чиқдик, мана мустақил бўлдик», — дея қувона-қувона кишиларимиз юрт истиқболи учун меҳнат қилишаётганда, манави ҳаромхўрларнинг қилмишини қаранг. Наҳотки, улар ҳам инсон боласи? Гапнинг очиғи, бу олчоқларга бўлган нафратимни мен сўзларда ифодалай олмайман. Лекин думоғим чоғ. Чунки халқимнинг У. Абдуғаниев, С. Ғаниев, Ш. Усмөнов, М. Каримов каби ўтюрмак, олижаноб фарзандлари бор экан, юкимиз ҳеч қачон ерда қолмайди. Келажакка ишонса бўлади.

Пардабой БУХОРОВ,
Қосонсой шаҳри.

Чилонзор даҳасида жойлашган 181-мактаб қорувулининг ғалати одати бор. Қоровулчиликка турди дегунча уйқуга кетади. Эҳтимол дарров эмас, бир оз ўтгандан кейиндир. Лекин бунинг аҳамияти йўқ.

Нима бўлганда ҳам, ҳар ҳолда 20 январь куни уни ҳеч нарса уйғотолмади. У шунчақ қаттиқ ухладики, ойна панжараларининг шақиллаши-ю, юк аравасининг ғичирлаши ҳам оро-

«ҚРИМ» ВА «РОССИЯ» ҚАЙТАРИЛДИ

мини бузолмади. Тунги меҳмон «Қрим» телевизор ва «Россия» радиоларини бемалол ўқирди-и-б кетди.

Жиноятни совутмасдан очиб иккони бўлмади. Бироқ 12 кун ўтгач, милиция участкаси бошлиғи М. Мамедовга Чилонзор даҳасида қурилаётган уйлarning

бирида соч-соқоли ўсиб кетган бир шахснинг яшириниб юрганлиги ҳақида маълумот берилди.

Пухта ўтказилган тадбир натижасида илгари ҳам давлат мулкни ўғирлаб, бир неча бор судланган, 1990 йилнинг икконида РСФСРнинг Свердлов вилоятидаги махсус ҳибсхо-

насида қочиб, қидирувда юрган С. Кисилев ушланди. Бир неча соатлардан сўнг эса мазкур ўғирликка бош қўшган шериги ҳам қўлга олинди.

Ўғирланган буюмлар мактабга қайтарилди.

Э. ПИРИМҚУЛОВ.


ГИЁҲВАНДЛАР

Сапарбой бу гал ҳам уйига алламаҳалда қайтди. Хадича қаерда юганини, нима ишлар қилганини сурштирди. Кайфи тарағи «шерсифат» йигитга ҳақли сўровлар ёқмади ва ўйламай-нетмай хотинининг юзига тарсаки тортиб юборди. Жанжал бошланди. Жонидан тўйиб юрган Хадича ҳам шу пайтгача ичига ютиб келган бутун дард-ҳасратларини, аламини тўкиб-сочди. Бундай заҳарли сўзларга кўнмаган Сапарбой муштира зўр берди. Оқибатда мазлума аёл қўлига қоғоз-қалам олди.

«Хурматли ички ишлар бўлими бошлиғи! Сизга бошқа иложим қолмаганлигидан араз қилаяпман. Эрим Сапарбой Аҳмедов билан бир неча йилдан буён яшаб келаяпман. Турмушимизнинг бошланиши ёмон эмасди. Кейинчалик эса у нуқул жанжал қилдиган, уриб азоб берадиган одат чиқарди. Барча-барчасига чидаб келдим. Мана кеча ҳам кайф устида мени роса дўппослади. Нима қиларимни билмай қолдим. Сиздан ўтиниб сўрайман, уни қилмишига яраша жазоланг. Сиздан илтимосим, эримни тўғри йўлга солишга кўмаклашсангиз.

Ариза берувчи

ХАДИЧА.



СУРАТЛАРДА: халқ посбонлари томонидан қўлга олинган гиёҳвандлик моддаси; жиноятчи Ш. Бобоев қилмишидан пушаймон; ички ишлар бўлими ходимлари — ЖК вакили милиция капитани Рамат Рўзметов ва



Саъдулла БОБО.



участка инспектори милиция лейтенанти Боғибек Матчоновлар нашани ўлчаб кўрмоқдалар.

Муаллиф олган суратлар.

ЖИМ ТУРОЛМАЙМАН

Мен, Рафиқ Содиков, 11-гуруҳ ногиронман. Ешим 60 дан ошди. Худога минг шукурким, ўз ризқимни териб юрибман. Кўрсатаётган ғамхўрлиги учун ҳукуматдан ҳам миннатдорман.

Мен шу йил рўзноманинг 4 февраль сониди «Тартиб-сон» юрт — дарвозасиз кўрсан» деган мақолани ўқиб чиқдим. Милиция генерал-майори Ғафур Раҳимовнинг куйиниб айтаган сўзларидан жуда таъсирландим.

Мен ҳам 50-йилларда талаба бўлганман. У пайтлар ҳозирги шароитдан ўн баробар оғир эди. Чунки дўконда нон фақат эрталаб бўлар, биз тун бўйи навбатда турардик, шунда ҳам: «Етмай қолса-я», — деган ўйдан ғоят чўчир эдик. Ҳар ойда 40 сўм атрофида нафақа берилар, шуни бир ойга бир амаллаб етказар эдик. Мана, сабр-тоқат билан ўқишни ҳам битирдим. Ишладим. Етти фарзандни вояга етказдим. Айни кунда ҳаммаси ўзидан тинчиган. Қудаларим билан апоқ-чапоқмиз. Энг кичик ўғлим Ашхободда хизмат қилаяпти, ёзда келади, хизматлари яхши. Агар эзмалик қилаётган бўлсам, уэр. Сизларга мактуб ёзишимдан мақсад шу йил 16-17 январда Талабалар шаҳарчасидаги рўй берган воқеалар ҳусусида ўз фикримни билдирмоқчи эдим. Милиция ходимларининг ҳақиқат-ҳаракати адолатли! Нега дегн, нима учун талабалар (ёки уларни гиж-гижлаган айрим ярамас шахслар, балким улар талаба эмасдир) милиция ходимларига юқори қаватлардан тош отади, қайноқ сув қуяди, ҳақорат қилади! Ўзингиз ўйлаб кўринг, бундай бебошликка, ваҳшийликка милиция ходимлари бефарқ қаролмайдилар, албатта. Ҳеч ким «от» деб буйруқ бермаган, улар ўзларини мудофаа қилишан, холос. Халқ мақоли бор: «Пичоқни олдин ўзингга ур, оғримаса бировга».

Мен талабаларнинг ҳаммасини айбламоқчи эмасман, чунки улар орасида оқил ва зукко, маданиятли ва маърифатли, халқ келажиги учун қайғурадиган ёшлар жуда кўп. Аммо бор маъзавани милиция устига ағдаришларига ҳам чидай олмайман.

Рафиқ СОДИКОВ,
Тошкент шаҳри.

ҲАРАКАТДА БАРАКАТ

Худди шундай бино мен ишлаётган Тошкент шаҳар Октябр тумани Маҳсидўзлик кўчасида ҳам бор эди. 1987 йилда шу ерга жойлашган ҳарбий комиссариат иморатни ташлаб кетгач, туман ИИБ қоши-

даги қўриқлаш бўлими жойлашди. Унга милиция подполковниги Тўлқин Зоиров раҳбар бўлиб келди-ю, бинони таъмирлашга астойдил киришди. Мана ҳавас қиладиган иморат бўлди. Мен бу билан Акмал

Икромов тумани ИИБ раҳбарлари айбдор демоқчимасман. Айтмоқчиманки, юқорида ухлаб ётган масъул ходимларни тез-тез уйғотиб туриш лозим. Ҳаракатда баракат дейдилар. А. ТОЛИПОВ.

АКС-САДО

Рўзноманинг шу йил 30 январь сонидидаги М. Иброҳимовнинг «Ниқилмай турсин» мақоласида жуда долзарб масала кўтарилган.

Дарҳақиқат мазкур даргоҳ аллақачон бузилиши керак эди. Энг ачинарлиси ИИБ ва ёнгинасида жойлашган суд ҳайъатининг арзу доллари ҳеч қиммга етиб бормаётганлиги.

ФИДОЙИ

Яқинда Марғилон шаҳар ички ишлар бўлими бошлиғи ўринбосари милиция подполковниги Жўрабой Тожибоев суҳбат чоғида: «Оддий милиционерлар ҳақида нега кам ёзасизлар?», — деб сўраб қолди. Дарҳақиқат, кеча-кундуз елиб-югуриб хизмат қиладиганлар — аслида оддий милиционерлар ҳисобланади.

Шунда бошлиқ ўринбосари чўнтагидан бир мактуб олиб менга тутқазди. Хат Марғилон ички ишлар бўлими раҳбариятига йўлланган экан. Унда милиция сержанти ҳайдовчи-милиционер Абдувоҳид Қўчқоров ўзи яшаётган қишлоқда ёшлар ўртада катта обрў-этиборга эга эканлиги, мактаб отаоналар кўмитасининг раиси сифатида фаол жамоатчилик ишларини амалга ошираётганлиги хусусида тўлқинланиб ёзилганди. Хатга эса Езёнов туманидаги 14-мактаб дирекцияси, маҳалланинг бир гуруҳ фаоллари имзо чеккандилар.

Милиция сержанти Абдувоҳид Қўчқоровни танийман. Мактубда ёзилганлари ҳақиқат. Унинг милицияда ишлаётганига эса ўн беш йилдан ортди. Жамоада обрў-йи яхши. Бошлиқ ўринбосари

айтишича, хизматни сидқидилдан бажарар экан.

У ҳақда фақат бошлиқ ўринбосари эмас, бошқа хизматдошлари ҳам илиқ фикрлар билдиришди. Айниқса, уни ўзи яшаётган Қорасоқол қишлоғида бениҳоя ҳурмат қилишади.

— Аслида олий маълумотли бўлиш ниятида эдим, — дейди А. Қўчқоров биз билан суҳбатда. — Қўшнимиз Қўчқорали сабаб бўлди-ю милицияга ишга келдим. Касбим ўзимга ёқиб қолди. Гарчанд вазирам нуқтаи-назаридан кичикроқ бўлсам-да, жиноятларнинг очилишида, ўғри, муттаҳам кимсаларнинг ушланишида озми-кўпми фойдам тегаётганидан кўнглим тоғдек ўсиб юрди. Одамлар қанчалар тинч-тотув яшаса, кўнгилсизликлар қанча кам бўлса, демак, билингки, милиция ишляпти.

Бу эса жумҳуриятимиз мустақил бўлган замонда ниҳоятда муҳим, деб ўйлайман.

Дарҳақиқат, мана шундай фидойи инсонлар борлиги учун ҳам сиз билан биз кечалари тинч, осойишта ухлаймиз.

М. КИМСАНБОВЕВ.



Янгийўл шаҳар ИИБ катта участка инспектори милиция капитани Абдуҳаким Тўғузбоев 1980 йилдан буён ўз касбини улуғлаб келаётган. Шунинг учун ҳам у кенг жамоатчилик орасида обрў-этиборга эга.

СУРАТДА: [чапдан] А. Тўғузбоев Муқимий маҳалласи фаоллари Темірхўжа Ғиёсов, Раъно Раҳимова ҳамда маҳалла кўмитасининг раиси Бўрон ака Йўлдошевлар билан мулоқотда. Ҳ. ШОДИЕВ олган сурат.

Бугунги кунга келиб савдода анча тартиб ўрнатилгандай туюлапти-ю, аммо... Мана шу «аммо»да гап кўпчилиги барчага аён. Ким билан суҳбатлашманг, баҳслашманг, савдодаги ғирромликлар, олибсатарликлар ҳақида кўйиниб гапирди. Уларнинг кўйиниши бежиз эмас, албатта. Бироқ милиция ҳам қараб турмагандир!

Яқинда мен билан суҳбатдош бўлган Зомин тумани ИИБ ИЖК бўлини маси бослиғи милиция майори Урол Уматқулов ҳам ҳудди шу фикрни тасдиқлади.

— Бизнинг ходимларимиз ўтган йил давомида 14 нафар чайқовчинини қўлга олишди. Масалан, С. Мўйдинова 1956 йили туғилган, 4 болаининг онаси, ҳеч ерда ишламайди. Тоиров номли давлат хўжалигида истиқомат қилади. Бизни ўзига «ром» этган бу аёл шу хўжалик бозорчасининг «бекаси». Текширишлар шуни кўрсатдики, С. Мўйдинова Гулистон шаҳридаги қаҳвахона ва дўконлардан турли хил сигареталар келтириб, устаманарх билан пуллашга кўнгли қўйган. Қўлга тушган куну у «Астра» сигаретасини 3, «Стоардесса» сигаретасини 5, «Родопи» сигаретасини 6 сўмдан пулламоқда эди. Уйи текширилганда, 15 блок булғор, 300 қўти «Астра» сигареталари чиқди. Ҳозир бу чайқовчи аёл устидан Ўзбекистон Жумҳурияти Жиноят Мажмуасининг 175-моддаси 1-банди билан жиноят иши очилди.

Энг ажабланилиси шундаки, шу хўжаликда яшовчи, фаррош бўлиб меҳнат

қилаётган Раҳимахон Абдуллаевага нима етмайди? Бир-бирдан ширин 3 боласи бўлган бу онахон ҳам чайқовчиликни одат қилган. У ҳам Гулистон шаҳридаги «оға»ларидан олди-

лум. Бугун Раҳимахон қилмишидан пушаймон.

Аммо халқда шундай нақл бор. Сўнгги пушаймон, ўзинга раҳмат қилиб, бу устаси фаранг чайқовчи устидан Ўзбекистон Республикаси Жиноят Мажмуасининг 175-моддаси 1-банди билан жиноят иши қўзғатилди.

— Урол ака, шу ўринда арокфурушлик ҳақида ҳам икки оғиз гапириб ўтсангиз.

— Мен ҳам шу масалани гапирмоқчи бўлиб тургандим. Дўконларимизда арок талон орқали тарқатила бошлади-ю, яна чайқовчиларнинг лотореяси ўйна-

Аҳолини озиқ-овқат ва саноат маҳсулотлари билан барқарор таъминлаш, яъни ички бозорни ҳимоя қилиш учун купон системаси жорий қилинди. Бу бир томондан кўпчиликни қувонтирса, иккинчи томондан баъзи қийинчиликлар туғдириб, одамларнинг ўринли эътирозларига сабаб бўлмоқда.

Одатда дам олиш кунлари шаҳримиздаги ҳамма бозорлар гавжум бўлади. Кўп йиллардан буён халқнинг оғирини енгил қилиб келаётган, кейинги пайтда анча кенгайиб, янги-янги савдо расталари пайдо бўлаётган «Бешёғоч» бозори ҳам бундан мустасно эмас. Вилоятлардан ўз томорқасида етиштирган маҳсулотини бу ерга сотиш учун келтирган деҳқонларнинг қўли-қўлига тегмайди.

Лекин...

— Келинг, ука. Мана, ёғли, тухумли...

Овоз, келган томонга ўғирилдим. Ўрта ёшли, эгнига оқ халат кийиб олган киши нон сотаётган экан. Қаршисида талабасифат йигит.

— Қанча туради, ака?

— Сув текин, укам, сув текин. Атиги 2 сўм 13 тиин.

— Ие, тийинига бало борми?! Бу ўзи уйда ёпилганми ё давлатникими?

— Кўрмайсанми, отнинг калласидай ёзиб қўйибманку тухумли деб. Демак, давлатники бўлади-да.

— Секинроқ гапиринг, кар эмасман. Тўртта беринг.

— Купон борми?

Талаба пальтоси ва костюмининг чўнтақларини кавлаб, зорманда купонини тополмади.

— Эҳ, ётоқхонада қолдирибманку.

— Купонинг бўлмаса, шапқасини берсанг, олам гулистон, — деди сотувчи тиржайиб. — Донасини икки ярим сўмдан олавер.

Йигит ноилоҳ чўнтагидан 10 сўм чиқардида, сотувчига ёвқараш қилиб тўртта патирни халтасига жойлади.

Сотувчининг ишига диққат билан разм солдим. У бир неча дақиқанинг ичида

купони йўқлардан «қилган яхшилиғи эвазига» 37 тииндан олиб қолаверди.

Шу ўринда бир савол туғилади: купон ички бозорни ҳимоялаш учун чиқарилганми ё савдо ходимларининг чўнтагини қаппайтириш учунми?

Бозор ҳудудидаги нон дўконига кириш учун чамаси ярим соат навбат кутишимга тўғри келди. Чунки учта ўрнига битта сотувчининг ўзи ҳам нон сотиб, ҳам купонларни қирқиб оляпти, нонларни турига қараб тахланадиган

ридорларни саволга тутдим.

Мавжуда ТОЛИПОВА (фаррош): — Дўкон пештахталарининг бўм-бўшигидан фарзандларимга кийим-кечак ололмаяман. Республикамиз раҳбарлари бозор иқтисодиёти шароитида нарх-наво кўтарилгач, дўконларда ҳамма нарса мўл бўлади, деб бизни ишонтирган эдилар. Лекин ҳеч нарса ўзгаргани йўқ. Чайқовдан ҳамма нарсани топса бўлади. 8 нафар фарзандим бор. Эрим ногирон. Болаларим

КИМГА ТҮЙ, КИМГА...

жойга қўйиб чиқаяпти. Бунинг устига кўчада навбатда турган харидорларни 20-30 тадан ичкарига киргизиб, улар билан ҳисоб-китоб қилгач, орқа эшикдан чиқармоқда. Ноннинг нархини сўрагучи йўқ. Ботиниб сўраганларга сотувчи оғзига келган нархни айтаяпти.

Бир пайт анча ёшларга бориб қолган савлатли бир одам (афтидан дўкон мудири бўлиши керак) эшикдан кириб келдида, нафасини ҳам ростламай сотувчи йигитдан сўради:

— Менга қара, булочкаларни наложение билан сотаяпсанми?

— Менга ҳеч ким айтгани йўқ, — деди у ҳайрон бўлиб.

— Ҳозир шунақа буйруқ олди. Булочкаларни устига 20 фоиз наложение қўйиб сотгин, уқдингми? Бўлмаса ўз ёнингдан тўлайсан!

Мудир чиқиб кетгач, харидорлар ўзаро дард-ҳасрат қила бошлашди. «Ўзи шундоғам тўрт-беш барабар ошган бўлса, яна наложениесига бало борми?!». «Сиз ниманиям билардингиз, булар ўз манфаати йўлида ўйлаб чиқараверади-да ҳар хил найрангларни».

Вақтдан фойдаланиб, ха-

ҳали ёш. Ўзим жуда кам маош оламан. Бунақада қандай қилиб тирикчилик қиламиз?

Обид АБДУЛЛАЕВ (ишчи): — Умуман топаётган даромадим рўзгорни тебратишга етиб турибди. Олтмишинчи йилларнинг ўрталарида ҳам озиқ-овқатлар тақчиллигини бошимиздан кечиргандик. Лекин тез орада аҳвол ўнганган эди. Ўйлайманки, бугунги қийинчиликларни ҳам енгамиз. Ҳадемай яхши кунлар келишига ишончим комил.

Жаббор МЕЛИБОВЕВ (хизматчи): — Бу кунлар

ҳам ўтмишда қолар. Ҳаётимиз яхшиланишига шубҳам йўқ. Аммо купон системасининг жорий қилиниши кўп асаббозарликларга сабаб бўлаяпти. Мана, дўкондан нон харид қилишнинг ўзига 25 минут вақт сарфладим. Бу сотувчиларга ҳам, харидорларга ҳам кўп ташвиш келтирмоқда. Баъзи мишмишларга қараганда купонларни чайқовда сотиш авжига чиққан эмиш. Ана энди бундан ким наф қўраётганини тасаввур қилаверинг. Қийин-қийин, халққа қийин...

Исмоил ЗОИРОВ, журналист.

«АММО»ДА ГАП КЎП

Бугун Раҳимахон қилмишидан пушаймон. Аммо халқда шундай нақл бор. Сўнгги пушаймон, ўзинга раҳмат қилиб, бу устаси фаранг чайқовчи устидан Ўзбекистон Республикаси Жиноят Мажмуасининг 175-моддаси 1-банди билан жиноят иши қўзғатилди.

— Урол ака, шу ўринда арокфурушлик ҳақида ҳам икки оғиз гапириб ўтсангиз.

— Мен ҳам шу масалани гапирмоқчи бўлиб тургандим. Дўконларимизда арок талон орқали тарқатила бошлади-ю, яна чайқовчиларнинг лотореяси ўйна-

деган найранглари ўтмади. Ҳар бир шиша ароқни 8 сўм фойдасига пуллашга тушиб кетди.

«Ўзбекистон» кўчасида яшовчи, ҳеч қаерда ишламайдиган йигирма беш яшар Мавжуда Мавлонбердиева ҳамда Ҳосият Насриддиновалар ҳам арокфурушликда қўлга тушишди. Улар устидан тергов ишлари олиб бориляпти.

— Урол ака, савдо соҳасида ишловчилар билан муносабатларингиз...

— Шунинг таъкидлашим керакки, савдода ишлаб, халқ ризқини яримта қилувчи нопонлар ораимизда

ғиж-ғиж. Мисолларга мурожаат қиладиган бўлсак, Ульянов шаҳар матлубот жамиятига қарашли озиқ-овқатлар дўкони мудири Санъатхон Қўрбонбоева харидор билан ҳисобни «ўрнига» қўядиганлар тоифасидан. У муқаддам судланган бўлишига қарамай, яна савдо соҳасида иш юритиши ажабланирли ҳол. Яқинда у 9 ишнинг ҳар биридан 3 сўму 42 тииндан уриб қолаётган пайти тумшугидан илindi. Қўрбонбоевага Ўзбекистон Жиноят Мажмуасининг 177-моддаси 2-бандига асосан айб қўйилиб, халқ судига берилди.

Ульяново ишчилар таъминотида қарашли (ОРС) 3-дўкон мудири Баҳодир Худойқулов ҳам харидор ҳақидан 5 сўм 56 тиин уриб қолганида, ИЖК назоратига тушди. Ульянов матлубот жамиятига қарашли 29-дўкон мудири Олим Ҳақназаров ҳам кўз-ни чирт юмиб юлғучлик қилаётганда қўлга тушди. Улар энди қилмишига яраша жазо олиши муқаррар.

Бир сўз билан айтганда, бундай нопон кимсаларга савдо соҳасида ишлашга ўрин йўқ. ИЖК ходимлари халқ билан биргаликда ҳаракат қилиб, текинхўр кимсаларга қарши курашда ўз кучларини аямидилар.

Илҳом ЮНУСОВ, «Постда» рўзномасининг жамоатчи муҳбири.

— 1989 йил 14 август кунда рўй берган воқеани эсласам ҳали-ҳануз аъзон баданимга титроқ киради, — дейди наманганлик муаллима Раъно Қаҳҳорова. — Кундузи соат 11 лар эди. Келиним билан «Спрут» кинофильмини кўриб ўтиргандик. Комиссар Коррадо Катанининг қизи Паолани мафияга уюшган жиноятчилар зўрлаб машинага ўтқизишгаётган эди. «Қандай жоҳиллик!» — деб ўйлаб улгурмаган ҳам эдимки, ҳовлига икки киши кириб келди. «Булар ҳам қўшларни томоша қилишга келгандирда», — деган халғга бордим. (Уйимизда ўнлаб турли паррандаларни парвартиш қилардик, ҳатто товус ҳам бор эди). Яна экранга тикилдим. Аммо келиним оҳиста туртди. Қарасам, рангги донадек оқариб кетган. У боғи кишилар томон имо қилди.

Не кўз билан кўрайки, қора кўзойнак таққан йигитлар шундоққина қаршимизда турар, бири пичоқ, униси эса миҳ суғирадиган темир ушлаб турарди. «Бақира кўрма, яхшиши йиғиб қўйган пулларингни чиқар!» — деб таҳдид қилди улардан бири.

Ўрнимдан туриб, телевизорни ўчирдим. Бирор киши уларнинг товусини эшитиб, ёрдамга келиб қолар, деб умид қилгандим. Бояги босқинчи бунни сезди. «Яхши қилдинг, бироқ хомтаъма бўлма, барибир сенларни ҳеч ким эшитмайди!» — деб ҳиринглади. Кейин яна таҳдид қилишди давом этди. «Қани, бисотингни чиқар, қараб қўйгина, пичорим қандай ялтираяпти!»

Шундан кейин талончилар амалий ишга ўтишди. Раънонинг қулоғидаги 2 минг сўмлик бриллиант кўзли балдоқни, бармоғидаги 900 сўмлик бриллиант кўзли узукни ечиб олишди. Келин 200 сўмлик балдоғини, 120 сўмлик никоҳ, 200 сўмлик кўзли тилла ва 100 сўмлик кўзсиз тилла узугини апиб-тапиб ечиб, талончиларга узатди.

Шундан кейин пичоқ ушлагани аёлларни назорат қилиб қолди. Шериги эса ичкарига кириб, тинтув қила кетди. Сандиқ ва жовонларнинг тарақлаши, идишларнинг синиши анчагача эшитилиб турди. Аммо бу ишларни қилаётган босқинчи бир оғиз чурқ этмади.

— Кетар чоғлариди қўлоқларимизни боғламоқчи бўлишди, — дейди Раъно Қаҳҳорова. — Лекин биз ялиниб, ёлвориб, ундай қилмаслиқни сўрадик. Хайрият, инсофга келишди. Бир соат қимирламай ўтиришимизни тайинлаб, жўнаб кетишди.

Наманган шаҳар ИИБ оператив гуруҳи аъзолари воқеа жойини синчилаб кўздан кечиришди. Ҳеч қандай из қолмаган. Фақатгина тинтув пайтида тушиб қолган бир дона тилла узукни топишди, холос.

ИИБда яна маслаҳатга тўпланишди.

— Аёллар тақинчоқларидан ташқари уй ичидаги сан-



дикдан ҳар бири 450 сўм турадиган 2 та эркаклар норка телпаги, 350 сўмлик аёллар норка телпаги, эркакларнинг 150 сўмлик ондатра телпаги, 4 дона аёллар рўмоли, 3 дона эркаклар шарфи, жами 4 минг 140 сўмлик буюмлар ҳам ўғирлаб кетилган, — деди терговчи милиция майори Ҳасанбой Жўраев. — Бу ишга малакали ходимларни жалб этиш мақсадга мувофиқ, деб ўйлайман.

Орага жимлик чўкди. Раҳбарлар афтидан ҳар кимнинг имкониятига ҳаёлан баҳо беришгаётганди. Шу пайт ЖКБда яқиндан бери ишлаётган милиция катта лейтенанти Баҳодир Муродов ҳамманинг диққатини ўзига тортди.

— Илтимос, шу иш менга топширилса!..



Очигини айтганда, бунақа учи-қўруғи йўқ, чигал қонунбузарлиқни очиш гоят мушкул. Шу бонсдан ҳам бунақа таклиф ёзда қор ёққандек таъсир қилди бошқаларга.

Таклиф қондирилгач, ЖКБ бошлиғининг ўринбосари, милиция майори Раҳмонали Раҳматуллаев шогирдини эргаштириб, ўз хонасига кирди.

— Сендан хурсанд бўлдим, Баҳодир, — деди у милиция катта лейтенантига кескин оҳангда. — Маслаҳатим — аввал аёллар билан гаплаш. Раъно Қаҳҳорова муаллима экан. Хотираси зўр бўлиши керак, шундан фойдалан!

Жабрланувчилар Баҳодирни илқ қутиб олишди.

— Пичоқ ушлагани сочи жингалак, 18-20 ёшлардаги йигит эди, — дейишди улар. — Юзларидан тожикларга ўхшаган, қорачадан келган.

Баҳодир ана шу кимсга асосий эътиборни қаратди. Юзлаб одамлар билан суҳбатда бўлди. Ва ниҳоят Хива кўчасида яқинда қамоқдан келган Собир исмли йигит яшашини аниқлади.

Бу кўча — жабрланувчилар истиқомат қиладиган кўча эди. Калаванинг учи топиладиган бўлди.

Яқинда 2 йиллик жазо муддатини ўтаб қайтган Собирнинг суратини бошқа суратлар орасида жабрланувчиларга кўрсатишди. Шубҳага ўрин қолмади. Аммо бу жиноят фош этилди, деган маънони билдирмади. Ишот керак, бунинг учун эса ўрганиш.

Ниҳоят Собирнинг онаси қўшниларига: «Сотиладиган тилла узук бор», — дегани ҳақида маълумот олинди.

— Ҳеч кимга сездирмай

назоратни кучайтир, — деди Раҳматуллаев. — Узук савдоси амалга оширилган бўлса, сотганни ҳам, олганни ҳам аниқлаш керак. Аммо жуда эҳтиёт бўл. Акс ҳолда шунча ҳаракат чиппака чиқади.

Бу борада олди-сотди ҳақидаги маълумотлар терговчи папкасига тушаверди. Собирни ИИБга таклиф қиладиган вақт ҳам келди. Аммо у босқинчиликда иштирок этганини бўйнига олишни сира-сира истамасди.

Терговчи узуклардан бирини стол устига қўйди.

— Танидингми? Бу узук ортида тирик гувоҳлар бор.

— Тўғри, — деди ҳийласи ўтмаган Собир чуқур ҳўрсиниб. — Аммо бир ўзим босқинчилик қилганим йўқ.

— Шеригинг ким?

— Исми Ота, лекин қаерда яшашини билмайман.

— Ўғирланган бошқа нарсалар қаерда?

— Ҳаммаси шу...

У яна терговчини чалғитмоқчи бўларди. Аммо оператив маълумотлардан бири ишни осонлаштирди. Собирнинг отаси шаҳар чеккасида яшовчи сингисиникига туғун билан киргану қўли бўш қайтиб чиққан. Уша хонадонни тинтув қилиш ҳақида рухсат олинди. Натижада туғун топилди. Унинг ичида Қаҳҳорованикидан ўғирланган иккита телпак, 4 рўмол ва бир дона шарф бор экан.

— Акам олиб келганди, — деди Собирга амма бўлиниш. — Жиянингнинг тўйига олгандик. Сеникида турсин, деганди...

Аввал судланган Ота босқинчиликдаги гуноҳини рад этди. Прокурор эса биргина Собирнинг кўрсатмаси билан уни қамоққа олишга рухсат бермади.

— Прокуратурадан тарвизим қўлтиғимдан тушиб қайтиб келсам, мени Баҳодир Муродов кутаётган экан, — дейди терговчи. — У ИИБга «Орзу» ресторани хизматчиси Ҳасанбой Даминов шикоят қилганини айтди. Маълум бўлишича, Ота 17 май куни Даминовнинг магнитофонини 4 та кассетаси билан сўраб олган ва қайтиб бермаган.

Даминов ўз аризасида бу ишда милициядан ёрдам сўраган.

Текшириш давомиди Ота мазкур магнитофонни фуқаро Х. Раҳмоновга 900 сўмга сотиб юборганлиги аниқланди.

— Ота бу жиноятни тан олди, — дейди терговчи. — Шундан кейин у жабрланувчи билан юзлаштирилди. Қарангки, Раъно Қаҳҳорова уйига темир билан қуролланиб кирган, уйни тинтиб, буюмларни ўмарган, аммо бир оғиз гапирмаган босқинчини таниди. Ҳатто Ота унга қариндош ҳам бўларкан.

1991 йил 15 апрель куни Наманган шаҳар халқ суди бу ишни атрофлича кўриб чиқди. Собир 5, Ота 6 йилга озодликдан маҳрум этилди.

Неъматжон МАМАЖОНОВ, милиция майори.

АЙБ ФАҚАТ БИЗНИКИМИ?

Ўтган 1991 йилда Қарши шаҳар ҳудудидида 241 та йўл-улов ҳодисаси содир этилган, натижада 32 фуқаро бевақт оламдан ўтиб, 239 нафари турли даражадаги тан жароҳатлари олган.

Жамоамиз ходимлари зиммасига мана шу йўл-улов ҳодисаларининг олдини олишдек ўта масъулиятли вазифа қўйилган. Ўтган 1991 йилда ходимларимиз томонидан 32 мингдан ошиқ турли хил йўл ҳаракати қондалари бузилиши қайд этилган. Жумладан, 451 марта автоуловларни ширакайф ҳолда бошқариш, 16 мингга яқин хавфли қонда бузиш, 42 марта такроран маст ҳолда рулга ўтириш ҳоллари аниқланиб, айбдорларга нисбатан тегишли чоралар кўрилди. Бундан ташқари давлат автомобиль назорати ходимларининг ҳаракатлари туфайли 87 та турли хил жиноятлар очилди. Лекин шунинг инкор этмаслиғимиз лозимки, бахтсиз ҳодисаларнинг олдини олиш ва камайтириш борасида кўзда тутилган мақсадга эриша олмаётимиз, чунки бу ишни амалга оширишда бошқа ташкилот ва корхоналар билан узвий боғлиқ томонлар борки, ундан кўз юмиб бўлмайди.

Чуночки, Қарши шаҳар ҳудудидидаги кўчалар ва йўлларнинг асосий қисми мутасадди бўлиши — шаҳар коммунал хўжалиги бошқармасига қарайди. Бу ташкилот ўз вақтида йўллардаги таъмирлов ишларини олиб бориши, электр чиқоқлари билан жиҳозламоғи зарур. Аммо бошқарма бошлиғи Ч. Кенжаев ўз вазифасига ўта лоқайд ва совуқ муносабатда бўлганлиги сабабли бу ишлар ўлда-жўлда қолиб келмоқда. Утказилган текширувлар натижаси бўйича юборилган тақдирномалар ва таъабномалар ҳанузгача бажарилмасдан қолиб кетмоқда. Мазкур ташкилот раҳбарига нисбатан чора кўришларини сўраб шаҳар ижроқўмнинг мазмурий ҳайъати (комиссияси)га махсус хабарнома жўнатган эдик, минг афсуски ҳалигача жавоб ололганимиз йўқ. Яна шунинг қайд қилишимиз керакики, кейинги пайтларда автохўжаликлар, ташкилотлар, муассасалар ва аҳоли ўртасида ичкиликбозликка қарши кураш жуда сусайиб кетди, маст ҳайдовчи салкам жиноятчи эканлиги ҳнўтилмоқда. Натижада ичиб олган ҳайдовчилар сони кўпайиб бормоқда. Бу борада, айниқса, шаҳар савдо ташкилотларининг ходимлари «байроқдорликни» қўлдан бермай келаяптилар.

Шаҳримиздаги рўй бераётган йўл-улов ҳодисаларига «Қашқадарётрансэкспедиция» автохўжалиги, 2529-автохўжалик, «Қаршиқурилиш» бирлашмасининг 1, 5-автохўжаликлари, вилоят соғлиқни сақлаш бўлимининг автокомбинати каби ташкилотлар ҳаммадан кўпроқ «қулуш» қўшишмоқда.

Юқорида кўрсатилган ташкилотларда автомобиллар саройларда сақланмасдан, ишдан сўнг ҳайдовчилар томонидан уйларига олиб кетилмоқда, ишга чиқиш олдидан уловнинг техник ҳолати текширилмаяпти, ҳайдовчилар тиббий кўрикдан ўтмай қолмоқда. Ҳаракат хавфсизлиги бўйича муҳандислар, жамоатчилик эса фаоллик кўрсатмаётди.

Санаб ўтилган ташкилотларнинг раҳбарлари 1991 йилдаги ачиқ сабоқлардан хулоса чиқариб, ўз хизмат бурчларига масъулиятни сезган ҳолда виждонан киришсалар...

Ғулом УЗОҚОВ, Қарши шаҳар ИИБ ДАНБ бошлиғи милиция майори.

ҲОИДАЛИ ТАКЛИФ

ҚАЙТАРИБ ОЛИНСА

Мен иқтисодчи эмасман, журналист ҳам. Шундай бўлсада, газета-журналлардан ўқиб билаяпманки, бутунги кунда оммавий ахборот воситаларининг аҳволи танг. Қоғоз муаммоси кундан-кунга ўткирлашиб бормоқда.

Шундай бир шароитда агар ён-атрофимизга назар ташлайдиган бўлсак, исрофгарчиликдан бошқа нарсани кўрмаймиз. Айниқса, қоғоз масаласида. Деярли ҳар кун бўлмаса ҳам, кунора қайсидир дўкон сотувчиси тоғ-тоғ қилиб қо-

ғоз ёқиб ўтиради. Тумандаги макулатура қабул қиладиган жойда эса бор қоғозлар ҳам ташландиқ, ивиб ётибди. Тўйларда, pistaфурушларнинг қўлларидида исроф қилинаётган қоғознинг эса ҳисоби йўқ. Халқимизда: «Нимани хор қилсанг, шунга зор бўласан», — деган гап бор.

Ҳар куни қанчалаб газеталар ахлатга ташлаб юборилади. Ўзим ҳар хил журнал, газеталарни йиғиб юришни яхши кўраман. Улар жуда кўпайиб кетгач, нима қиламан? Албатта, ташлаб юбораман. Шуларни, махсус қабул жойлари очиб, ўз пулининг ҳеч бўлмаса бешдан бирини тўлаб, қайтариб олинса бўлмайди?

Муҳаммади БАРИНОВ, Хатирчи тумани.

ҚУШ ИНИДА КЎРСА...

Ҳамро Холлиевнинг 11 нафар фарзанди бор, «Меҳнат фахрийси» нишондори. Урта мактабларнинг биринда фельдшер бўлиб ишлайди. Ҳозир ойликка яшаб бўлмайди. Ҳамро қўшимча пул топади. Аммо бунинг дарамад эмас, касофат дейиш тўғрироқ бўлади. Нега деми?

Негаки кўп болали ота кўкорини экиб, уни сотиш билан шугулланади. Аммо кўп вақтга бунинг ҳеч ким билмагани, ҳисоб. Остонасидан ҳатлаганлар сони эса кўпайганидан кўпайди. Агарда мижози А. Негада Бухоро вилояти ИИБ ходимларининг

тузоғига 115 грамм наша билан тушмаганида, ёпиғлиқ қозон ёпиқлиғича қоларди-я... Алексей афюнни Ҳамродан сотиб олганини тан олди.

Бухоро вилояти ИИБ ходимлари уни жиноят устида қўлга олиш режасини муваффақиятли амалга оширдилар.

Ҳ. Холлиев навбатдаги ҳардор Б. Ҳотамовга 200 сўмлик захриқотилни авайлаб узатаётганида, тўрга илинди.

Тергов ишлари кетаётган бир пайтда ўғли Илҳомнинг ҳам сирини фош бўлиб қолди. Ходимлар уни тенгқури Шуккур билан аралаш моллар дўконига ўғирликка тушганини аниқлашди.

Маълум бўлишича, улар 1600 сўм пул ва 150 сўмлик буюмларни ўмарилган экан.

М. ИСРОИЛОВА.

ИШТИХОНДА АҲВОЛ ҚАНДАЙ?

Туман ИИБнинг бошлиғи милиция подполковниги Хайрулло Зокиров бизни кутиб олиб, ташрифимизнинг боисини айтишимиз билан жиноят қидирув бўлимининг бошлиғи милиция майори Неъмат Турдиевга рўпара қилди. Унчалик жиҳозланмаган, торгина хонага кириб, у дарҳол навбатчига ЖКБ ходимлари тезда ҳузурига келишларини таъинлади. Хизмат юзасидан самимий суҳбат бошланиб кетди.

— Жиноят қидирув бўлинимаси ўтган йилда жуда катта ишларни амалга оширди, — дейди суҳбат чоғида Неъмат Турдиев. — Келинг, яхшиси рақамларга назар ташлайликда, сўнг жиноятчилик ҳақида фикрлашайлик. Ўтган йилда 176 та турли даражадаги жиноятлар содир этилган бўлиб, улардан 32 таси очилмай қолган. Турларини бирма-бир санабга эса вақтимиз етмайди.

Ўзим ЖКБда ишлаётганимга тўрт йилдан ошмоқда. Тажрибамдан айтсамки, содир этилаётган жиноятларнинг аксарияти пухта ўйлаб, тайёргарлик кўриб амалга оширилади. Қадимингизга ҳуқуқий кўз билан қарасангиз, жиноят-жиноят... Мана, вояга етмаганлар ўртасида ўтган йилда 25 та қонунбузарлик содир этилди. Балоғат ёшига етиб улгурмаган бегуноҳ бола жиноятчи бўлса-ю, яна унга тарбиявий таъсир ўтказилмас. Ўшларнинг кўпчилиги ҳисобда турса-да, қайта тарбия ишларига жалб этилмайди. Туманда бундай муҳим ишларнинг олдини олишда вояга етмаганлар қўлини чўзишдан нарига ўтилмайди. Кўпчилиги яна ўша эскича одатини кўмсаб, қўлимизга илиниб қолишади. Ахир, жиноят қидирув бўлинимасининг ҳам ўз вазифаси бор. Жиноятчини қайта тарбиялаш кимнинг гарданида-ю, изини топиш кимга юк бўлиб турибди. Шунинг учун бир кун қўлга тушар, дегандан кўра, дарҳол олдини олиб, ўша вояга етмаганни ёки бошқасини вақтида тарбиялаш керак.

Жамоатчилик олдида изза қилинса ёки қўғозда қотиб кетаётган ўртоқлик судида кўпчилик билан кўриб чиқишса, маҳалла билан кўз-қулоқ бўлиб тарбиялашса, ёмон бўлмасди. Туманимизнинг бир томони даштдан иборат, бир ёғи эса тоғлик жойлар. Очигини айтаман, жиноят-

лар очилмай қолишига бизнинг қўнимсизлигимиз эмас, бунга кўпгина техник ва амалий сабаблар тўсиқ бўлмоқда. Биринчидан, мана ёнимда телефон турибди. Ундан хоҳлаган рақамни тирайчи, жавоб берамизки? Жазавангиз чиққани қолади, холос. Жойларда жиноятлар содир бўлса, кўпича хабари бизга суткалаб келишиб келади. Чунки туманда алоқа воситасининг нуқталари ўрнатилмаган. Даштдан эшак билан келгунча жиноятчи гойиб бўлади, жиноят содир бўлган жойдан бирор далилни топиш мушкул.

ЖКБда рақия умуман йўқ. Ишонган телефон бўлса, ярим қечада ёрдамга чақириш пайтлари келади. Замон қаҳрамонлигини кўтармайди. Бечора милиционернинг ҳам оғласи бор. Милицияни кишансиз боғлаб «олга» деган сохта қичқирик кимга керак. Санаб ўтилган камчиликлар туфайли тумандаги аҳоли ИИБнинг ишдан қониқаётгани йўқ. Эгарда ўтириб: «Чух, отим!», — дея қақшаган билан силжиш бўлмайди. Ўзингиз ўйланг, 32 та жиноят очилмай қолмоқда. Бу шунча армон, алам, гуноҳсининг изтироблари, ахир. Бўлинида хизмат машинаси йўқ. Ўз машиналаридан фойдаланиб туришибди. Ҳаммаси чўнтакка осилиб қолган. Улов жуда зарур. Алоқа бўлмагандан кейин... Бунинг устига туманда бирорта участка таянч пунктларини таъкил этишмаган. Жиноятчи милиционердан кўра яхшироқ таъминланган. Шундай мушкул аҳволда қолганликларига қарамай 24 соат бир маромда ишлашапти, хизмат вазифасини адо этишапти улар.

Яқинда бир жиноят очилди. 1970 йилда туғилган, Ильич хўжалигида яшовчи Собир Муродовнинг содир этиб келган қатор қонунбузарликлари аниқланди. У 3 ёшли қизчанинг номусига тажовуз қилмоқчи бўлади-да, сезишиб қолгандан сўнг қочиб кетади. Шундан сўнг Абдулла Бердиқулов номли жамоа хўжалигида тўй бўлади. У ердан мотоцикл олиб қочади. Яна мол ўғирлайди. Ҳозирда қўлга олинган, тергов ишлари давом этмоқда.

Айниқса, гнѣхвандлик жуда кучли. Қорадори мижозлари ҳақида 54 та факт аниқланди. Уларнинг кўпчилиги ҳисобда турибди. ЖКБ бошлиғи

ўринбосари милиция капитани Муҳитдин Завқиев, милиция капитани Акрам Жўраев, Рустам Аҳмедов, милиция лейтенанти Баҳодир Холмуродов ва милиция старшиниси Нажмитдин Рустамов жиноятчиликка қарши курашда ҳалол хизмат қилишмоқда.

— Жиноятга қўл урган шахсни, — дейди Н. Турдиев, — ўз урф-одатларимиз билан тарбия қилишимиз зарур. Бизда Ҳадис ва Қуръондек буюк маънавий камолотга эга, тарбиявий тиғи олмосдан ўткир китоблар мавжуд. Қасам ичдирайлик, шу муқаддас, китоблар руҳида тарбиялайлик, шояд нафи тегса.

«Баъзида милицияга барча ҳуқуқларни бериб қўйибмиз, яна нима камлик қилади?» — деган гаплар юради. Аввал иқтисодий таъминотни яхшилаш, шарт-шароитни тўғрилаш, сўнг ҳуқуқий мақом берилиши зарур. Чўнтаги қуруқ милициянинг бўйнига ҳуқуқни тамғалаб, жамият учун фойдаланамиз. Пичоқлига пичоқсини рўпара қилиш адолатдан эмас. Биз бўлинида ўзгариш бўлишини истардик. Чунки Иштихонда аҳвол танг. Жиноятчилик илдиз отмоқда. Курашишга одамлар бор. Уларга улов, алоқа воситаси ва бошқа анжомлар етишмайди. Бу нияти совуқларга доим қўл келади. Биз туман ИИБдан ташвиш билан қайтарканмиз, ЖКБнинг эшигини орадан ярим дақиқа ўтгач, яна бир аёл кўзларида ёш билан очиб кирди.

— Менинг уйимни тунаб кетишибди, — деди.

Бу уч соат ичида туртинчи фуқаронинг шикоятини эди. Ҳали тушгача анча бор. Дарҳол оператив гуруҳ Неъмат Турдиевнинг шахсий машинасига ўтириб, воқеа жойига жўнаб кетди.

— Хўш, Иштихонда қачон милицияга қўмаклашилади? Тангликдан чиққандами? Унгача жиноятчилар кутиб ўтирармикин...

Қайтарканмиз, яна бир нарсанинг гувоҳи бўлдик. Маҳбусларни изоляторга элтиш учун ҳали-ҳанузгача бўлинида автоулов йўқ экан.

Нижон МЕЛИЕВ,
«Постда»нинг жамоатчи мухбири.

ТАБРИКЛАЙМИЗ

Ассалому алайкум, хурматли муҳаррират! Биз бу мактубни Тергачи қишлоғидан ёзаямиз. Дадимиз Муҳаммаджон Эшматов кўп йиллардан бери милиционер. Яхши хизматлари учун бир неча бор мукофотланганлар. Лекин бизнинг айтадиган гапимиз бу эмас.

Шу йилнинг 9 февралда дадажонимизнинг туғилган кунларини нишонлаймиз. Яна

шуниси қувончлики, меҳрибон онажонимиз ҳам 2 февралда таваллуд топганлар. Бу шодмон кунлар арафасида биз уларни севишли рўзномамиз орқали табриклашни лозим топдик. Сизлардан илтимос, табрик хатимиз учун саҳифангиздан жой ажратсангиз.

Қадрли дадажон, мунис, меҳри дарё онажон! Сизларни туғилган кунларингиз билан чин юрак

дан самимий муборакбод этамиз. Бахтимизга омон бўлинг. Давлатингиз соясида биз ёмонлик кўрмайлик. Боқий умр тилаб, фарзандларингиз

МУЯССАР, МУАТТАР,
УМИД, РАВШАН,
МАҚСУД.

ТАҲРИРИЯТДАН: фарзандлар битган мактуб бизга кеч етиб келди. Лекин ҳечдан кўра кеч, деганларидек, бу эзгу тиллики номани уларнинг илтимосларига биноан чоп этдик. Зеро, фарзанд қувончи — дунё қувончи.

Ойнаи жаҳонда

СЕШАНБА, 18. II.
УзТВ I

8.00 «Ўзбекистон» ахбороти. 8.20 Телефильм. 8.50 Бадий фильм. 9.55 «Ёшлик». 10.30 Эстрада тароналари.

18.00 Янгилар. 18.10 «Бойчечак» кўшиги. 18.40 «Дехқон маслаҳати». 19.00 «Ўзбекистон» ахбороти. 19.15 «Кичик корхоналар истиқбол». 19.30 «Адолат». 20.30 «Ўзбекистон» ахбороти. 20.50 «Спортлото». 20.55 Жўрахов Раҳимов куйлайди. 21.25 Бадий фильм. 23.00 Эртанги кўрсатувлар тартиби.

УзТВ II

«ТОШКЕНТ» СТУДИЯСИ
КўРСАТАДИ

18.30 Болалар учун фильмлар. 19.15 Гитара оҳанглари. 19.45 «Битишувлар ва келишувлар». 20.30 «Пульс». 20.40 «Бу оқшомда» кўрсатув саҳифаларида. 22.00 «Муслик меҳмонхона». 22.30 «Пульс». 22.40 «Кинонигоҳ».

«ОРБИТА IV»
(Москва)

6.00 «Тонг». 8.30 Мультфильм. 9.00 Бадий фильм. 10.15 Хўжжати фильм. 10.40 XVI қишки олимпиада ўйинлари. Хоккей. 12.00 Янгилар. 12.20 «Аджимушай». 12.45 «Ён дафтар». 12.50 «Савдо растаси». 13.05 «Бу сизга керакми?». 13.20 XVI қишки олимпиада ўйинлари. Чанги спорти.

16.00 Янгилар. 16.20 Телевизион бадий фильм. 17.45 Мультфильм. 17.50 Халқаро телемарафон.

18.00 Янгилар. 18.20 Телефильм. 18.40 Телевизион бадий фильм. 20.05 «Босқичлар». 20.45 Хайрли тун, кичкинтойлар! 21.00 Янгилар. 21.20 Бадий фильм. 22.30 Муслик манзаралар. 23.00 Рукн премьераси. 23.30 XVI қишки олимпиада ўйинлари. Хоккей. Коньки. 00.30 Н. Чепрага куйлайди.

«ДУБЛЬ IV»
(Москва)

8.00 Хабарлар. 8.20 Олимпиада кундалиги. 8.50 Немис тили. 9.20 Қишки олимпиада ўйинлари. 10.05 Француз тили. 10.35 Қишки олимпиада ўйинлари. 11.45 Ишдан бўш пайтингизда. 12.00 Музей ҳақида кўрсатув. 12.20 «Мансаб алифбоси». 12.35 Телевизион ахборот тижорат кўрсатув. 12.50 «Простор плюс». 13.20 Дехқонларга тааллуқли масала.

15.15 «Қ-2» таништиради. 16.20 Биробиджанда яҳудилар мусиқаси III халқаро фестивали. 17.30 ЖАРдан репортаж. 18.00 Криминал хабарлар. 18.15 «Ҳар кун байрам». 18.25 «Камера ўтмиши тадқиқ этади». 19.25 Қишки олимпиада ўйинлари. 22.00 Хабарлар. 22.25 Олимпиада кундалиги. 23.00 «Эркин мавзудаги иншо». 23.30 «Сафсаталар». 00.10 Ишдан бўш пайтингизда.

ЧОРШАНБА, 19. II.

УзТВ I

8.00 «Ўзбекистон» ахбороти.

8.20 Телефильмлар. 9.20 Бадий фильм. 10.45 «Ёшлик». 11.25 Концерт.

18.00 Янгилар. 18.10 Мультфильм. 18.20 «Тадбиркор кишилар». 18.55 Тижорат хабарлари. 19.00 «Ўзбекистон» ахбороти. 19.15 «Тил — дил таржимони». 19.55 «Иқтисодий мустақиллик муаммолари». 20.30 «Ўзбекистон» ахбороти. 20.50 Ака-ука Иброҳимовлар куйлайди. 21.35 Бадий фильм. 23.05 Эртанги кўрсатувлар тартиби.

УзТВ II

Уқу кўрсатувлари

10.30 Ҳуқуқий давлат ва ҳуқуқ асослари. 11.00 Телефильм. 11.30 Информатика.

«ТОШКЕНТ» СТУДИЯСИ
КўРСАТАДИ

18.30 Мультфильмлар тўплами. 19.20 Классик оперетталар саҳифаларида. 20.00 «Спринт». 20.20 Телефильм. 20.40 «Дорихона сизнинг хизматингизда». 21.40 Бадий фильм. 23.10 «02» тўлкинида. 23.25 Спектакль.

«ОРБИТА IV»
(Москва)

6.00 «Тонг». 8.35 Мультфильмлар. 9.15 Бадий фильм. 10.40 XVI қишки олимпиада ўйинлари. Хоккей. 12.00 Янгилар. 12.20 «Владимирда рақс байрами». 13.15 «Ўз-ўзинга мадад бер». 14.00 «Бизнес-класс». 14.15 «Телемикст». 15.00 Янгилар. 15.20 Мультфильм. 15.30 «Ф. Ф. Ф.». 15.55 Телевизион бадий фильм. 1-серия. 17.00 Мультфильм. 18.00 Янгилар. 18.20 Халқаро телемарафон. 18.35 «Ислохот: ҳафтама-ҳафта». 19.15 Бадий фильм. 20.45 Хайрли тун, кичкинтойлар! 21.00 Янгилар. 21.20 «Телевизион танишув». 22.30 Мультфильм. 22.40 Телевизион бадий фильм. 1-серия. 23.50 Концерт. 00.55 XVI қишки олимпиада ўйинлари. Хоккей.

«ДУБЛЬ IV»
(Москва)

8.00 Хабарлар. 8.20 Олимпиада кундалиги. 8.50 Немис тили. 9.20 Қишки олимпиада ўйинлари. 12.30 Ишдан бўш пайтингизда. 12.45 Немис тили. 13.15 «Ўзоқ Шарқ» телекўрсатув. 14.00 «Бурда моден» таклиф этади... 14.30 Хўжжати фильм. 14.50 «03» кўрсатув. 15.20 «Остоженколик мусаввир». 15.50 «Герцен кўчаси, 1 уйда».

18.10 «Петербурглик могикилар». 18.35 Телевизион ахборот тижорат кўрсатув. 18.50 Ишдан бўш пайтингизда. 19.05 «Жаҳон бозорининг калити». 19.35 Шаламов асарларини ўқинг. 20.25 «Ҳар кун байрам». 20.35 Россиянинг парламент хабарномаси. 20.50 Танаффус. «Ночной проспект» рок-гуруҳи. 21.00 Қишки олимпиада ўйинлари. 22.00 Хабарлар. 22.25 Олимпиада кундалиги. 23.00 «Бугун» программаси.

«Тошкентдан гапирамиз ва кўрсатамиз» ҳафталигидан олинди.

Муҳаррир
Зокир ОТАЕВ.

МАНЗИЛГОҲИМИЗ: 700029, Тошкент, Лопатин кўчаси, 1.

Ўзбекистон Жумҳурияти «Шарқ» нашриёт-матбаачилик концерни
босмахонаси. 700083, Тошкент, Ленинград кўчаси, 32.

Телефонлар: муҳаррир — 54-37-91, муҳаррир ўринбосари — 39-77-23,
муҳбирлар бўлими — 59-26-56, 59-20-92, умумий бўлим — 59-21-21.

Обуна рақами — 64615.

43920 нусхада чоп этилди.